



**Normandie**  
(20230630-0708)



'Da'r wawr, yn awr, *allons nous!* - haul a hwyl  
Ac *Oh La La* 'n galw!  
Hei, ble mae *pays Champrépus?*  
Daw'r verre d'or, hyfryd erw.




Oriau ar erwau'r Môr Udd - atyniad  
Y tônau a'r tywydd  
At olyniant o lonydd  
Parod i ganfod gite gudd.




Nawdd cwt ymguddio cetyn - y gorau'n  
Gorwedd ger y pyllyn  
Yn gaeth i faeth hen fwthyn  
A phau'r perllanau a'r llyn.




Oed argoel dyddiau dirgel - eiliad  
'Da'r wylan a'r awel,  
Awyr iach a thŵr uchel  
Bore siwrne *Saint Michel*.




Rhywlun am adrodd cyfrolau bo ael  
*Bayeux*'r taperstriau  
A helfa 'mhen pella'r pau  
I gael nodi'r glaniadau.




Dyma hanes llynges a llu'r milwyr  
Am hela Almaenwyr;  
Dyma bae gwae a gwewyr  
Yn *Arromanches* ger y mur.




Agweddu ar dref osgeidddig - *un jour*  
À *Fougères*, arbenig;  
Cangell hen gastell a gwig,  
Oriol daear Lydewig.




Camre addysg am wareiddiad - taro'r  
Tirwedd ar bob troad  
Hardd a oedai cerddediad  
Unig lais yng nghefen gwlad.




Chwaeth â'i rhamant uwch ieithor - am wychliw  
Yw machlud o drysor;  
Mawrwag yw byd yn agor  
Yn *Granville* ag eirian fôr.



Siew â'r byd 'di distewi - chwaraeon,  
Hanesion 'rôl nosi;  
Sbecian o'n hafan bach ni  
Ar fydoedd dirifedi.



Yn natur hyf pentrefyn - odlau hoen  
Cydllynu a pherthyn;  
Mae angor ein hyfory  
Yn *Villedieu* dan ofal dyn.



Atgofion meirwon *sur mère* - y meysydd  
Ymosod, a'r balchder  
Am boen a grym a baner;  
Atgofion gwirion *la guerre*.



'Da'r wawr, daw'r awr, *allons nous!* - â'n parthau  
O'n gwyliau yn galw!  
Er anodd dweud yr enw,  
Hei, braf yw *pays Champrépus!*

(Gwyliau gwirioneddol neis yn Normandie gyda JKChDTE. Mynd i Mont S. Michel, Bayeux, Arromanches, Fougères, Granville, Villedieu a S. Mère Église; ac oriau yn y bwthyn yn darllen a mwynhau.)

**YRhein**  
(20230626)

I'r afon, trem ar i fyrry - awg oes  
Tal gestyll yn ffynu  
Parthau glas winllanau'n llu  
Â'r Rhein a'i rhin i'w rhanu.

(Neges wrth E&R ar y Rhein!)

**NewidHinsawdd**  
(20230625)

Hyn o fyd a amddifadwyd! Gwanillyd  
Yw gwinllan a sarnwyd;  
Rhag dicter a sychder swyd,  
Môr o heddwch fy mreuddwyd.

**CwDEtâ?**  
(20230624)

Si ysol cynyllwyn asasin yn awr  
Wagneraidd yr aerdryn;  
Peryg' sarff fel *Prigozhin*  
Chwalp botes dymchwel *Putin*.

(Y Grŵp Wagner yn troi ar fyddin Rwsia.)

**BandLydan?**  
(20230624)

Araf esgus er f'ysgwyd i ddiiffodd  
Y wei-ffe! - a'm hanwyd:  
Ond y llun o wynfyd llwyd  
Yw'r enghraifft cawn o'r rhyngrhwyd.


(Newid wei-ffe! yn RH, ond meddwl hwyrach y byddai'n well hebdo o gwbl.)

**Gwlaw?**  
(20230624)

O graig allt, gwywa'r gwelltyn - noeth y serth,  
A syrthia'r blodeuyn;  
Fy mhader yw diferyn  
Dros lethrau pair y gwair gwyn.

(Sychder yng Nghwm Tawe.)

**CoedLlangwyfan**  
(20230619)



Wynebu'r hin ar fin bryniau - cylched  
Cer'ed rhwng y caerau  
Ar y cyd o'r byd i'bau  
Pinael heddd Pen Y Cloddiau.

(Cer'ed 'da J, L a R.)

**Gweld**  
(20230615)

Yn rhydd o'r anwreiddau - adnabod  
Y neb sydd yn amau;  
Eli coel uwch meddwl cau  
Yw'r gwir sy'n curo geiriau.

(Jyst meddwl.)

**Crigyll**  
(20230615)



I Grigyll draw a'i greigiau - cerig caer  
Cawres uwch y traethau;  
Haf o win oer i'w fwynhau  
'N ffiol atynol tnanu.

(Rhedeg ar hyd Traeth Crigyll, heibio Barclodiad y Cawres ac i ben bryn, cyn oifad yn y môr! Nefoedd!)

**NaWyrYByd**  
(20230612)

Am eiliad heddwch melys o brofion  
Lladron twyllodrus,  
Hafn rhag meddyliau ofnus:  
Fel diweddglô, rho i'm Rhys.

(MM yn canu trefniant o "Rhys" yn yr eisteddfod, â'r dôn a'r geiriau'n mynd rownd a rownd yn y pen).

**Iachawdwriaeth!**  
(20230611)

Clywch, clywch, heidiwch i'r clychau - o Dduw  
Maddeuant daw'r nodau;  
Cam hawdd er rhyddhau'ch camweddu,  
Gwahanir y gwir o'r gau.

(Clychau San Pedr yn glir y bore 'ma; dwysedd awyr uchell!)

**CynCysgu**  
(20230611)

Seintwar wedi hirymaros - fel dydd,  
Gofal Duw'n ymddangos;  
Grym pader yn nyfnder nos,  
Heddwch yr oriau ddinos.

(Eistedd ar y stepyn drws neithiwr â'r byd i gyd yn dawel ac yn ffres wedi'r gwlaw tyrfe.)

**EstIlein**  
(20230610)



Grwn hudol, gwawr o nodyn yw effaith  
Cyffwrdd ar y 'sbardyn;  
Hoff yw hirdaith mewn ffyrdd  
Ac aur eiriau'r gwdi-hw.

(T yn joio!)

**NewidHinsawdd**  
(20230610)

Loes tymhestl oes y twymo bo gwyned  
Begynau yn cilio;  
Fel drws i orllof dro  
Olywn hanes El Niño.

(Ail-adrodd haf cynnes rhyw ddegawd yn ôl o achos effaith El Niño.)

**MyndÂmDro**  
(20230610)



Tro gwahanol, nefol nwyd arlwy hin  
Ar lannau'r dofn Ddyfrdwy  
Dydd gwyn, dilyn glyn o Gfwyd  
I Gorwen ac i Gynwyd.

(Mynd am dro dydd Mercher gyda H.)

**MisMehefin**  
(20230603)

Llewyrch llafur brodyr braf - â'u lliwiau  
Dros yr erwau'n araf  
I greu darlun nefyn haf  
Glyn blodau'r 'menyn mwynaf.

(Blodau 'menyn yn eu gogoniant eleni eto ar y ddol.)

**Diolech**  
(20230531)

Heddi ei weddi yw haeddiant gŵr y groes,  
Geiriau gras a moliant;  
Ricrwydd pader nawdd Bernant,  
Rhodd i'w blwyf a'r Ffordd i'w blant.

(B. yn rhoi'r gorau i bregethu.)

**DerotsGG**  
(20230531)

Odlau erwau'r Graig Arw - nodau gwawr  
Hyd y gwyll yn ddrwg;  
Rhiniog eco'r hen gwcw  
Ac aur eiriau'r gwdi-hw.

("Derots" yw "adar" y nhafodiaith Cwm Tawe. Y gwcw wrth heddi, a'r dylluan yn y nos.)

**Gwelliant!**  
(20230531)

Tybiant o rym ymatebol rhyfedd  
Cyfrifiant eithafol;  
Trwsio gwaith, gweld ffaith drwy'r ffol  
Yn olyniant aml-enwol.

(Cywiro cyfrifiad gwallus â dosraniad *multinomial*.)

**AmFore**  
(20230529)



Mae heddi'n weddi wiwddwys - haul eurwawr,  
Alaw'r Tawe hylwys;  
Godidocaf, gwynaf gwyys  
Yw rhedeg fy mharadwys.

(Am fore. Braidd y gellid gwell.)

**BodYnAil**  
(20230528)

Un mawr ond pluen o ran maint - daeth awr  
Am gawr fentrodd gymaint  
Marchog, cun er altog haint!  
Ein gwron ydyw Geraint!

(GT yn ail yn y Giro d'Italia.)

**Ffernando**  
(20230525)



Wlo'n coelio'r newydd cas - hen geidwad  
Yn gadael ag urddas;  
Taro o glwyfo'r car bach glas  
Ac a-men ei gymwynas.

(Y ffiesta wedi cael ei siwrnai olaf.)

**GwaithDyddMercher**  
(20230525)

I gangen Tŷ'n Y Gongol - a gafael  
Gofal arfordirol;  
Uwchgryfarfod gwarchodol,  
Bendigedig rigmarôl!

(Dydd Mercher cyntaf heb waith, gyda J yn carco D.)

**WotsÿpDoc?**  
(20230521)

Chwaer â nwyf am chwarae'n iach - mynu mynd  
'Miwn a mas drwy'r perthach;  
Dewis amlwg oed symlach  
Yng ngwyn fyd cwningen fach.

(Y ddol dan ei sang o gwningod y bore 'ma.)

**ArosMaeOHyd!**  
(20230521)



Mawr yw'r her: creu Cymru Rydd - crud y creu  
'Di credu 'da'n gilydd!  
Am unwaith, concro'r mynydd!  
Marw'i fyw yng Nghymru Fydd!

(Yn Abertawe am orymdaith YesCymru 'ddoe.)

**Coperopolis**  
(20230520)



Drwy'r *slip*, cip dros Fae Copor - hen obaith  
Perffaith tre'r mwyn porfor;  
Am wefr y Mwmbwls a'r môr  
Mawr glas, fy nhras, fy nhrysor.

(Yn Abertawe ar gyfer gorymdaith YesCymru, â llu atgofion.)

**Cyda'rHwyr**  
(20230516)

Eiliad o hoe, hewl dawel i rywle  
Â'r heulyn yn isel  
Lonydd, â'r mynydd fel mel,  
Yn gyrru hyd y gorwel.

(Gyrru lawr i'r de ar noson hyfryd.)

**Éire**  
(20230427)

I wlad yr hen gariadon - daw eiliad  
I weled afallon;  
I'n hwyliau, dau dros y don  
I harddwch ein Hiwerddon.



Gwawr a gwiib i Gaergybi - a miri'n  
Morio dros y weilgi;  
Ciplun Dulyn a dwli,  
Fel cyffur ein hantur ni!




Fferi i Ddinas Ffeiriâu,  
Chwarae iach ar lan Loch Rì,  
Arwisg a-men *Ros Comáin*,  
A heddi a cnawd drwy ffydd *Cnw*,  
Cyn holi'r heli'n yr *Helm*.



Cweld carneddau'r bryniau brith,  
Hen wydrach yn llawn lledrith.






Awn o Glencar i galon co' - hafod  
Am fyfyr sydd yno;  
Geiriau gras goger y gro;  
Egwyl 'da Yeats yn *Sligeach*.



Golygfa bu rhoda'r wig  
Cipedrych ar *Craig Padrig*.



Awyr iach, tonau *Achill*,  
Traethau arian, marian mil.



I bydew yr hen newyn,  
Cân y gwae ar fryncyn gwyn.



Estyn draw i *Dun Briste*  
A dod ar draws navs y ne'.




Eto llywio lawr i'r llwch  
I *Doolagh* a'i dawelwch.  
Dilyn awen heulwen ha',  
Cân y môr, *Connemara*.



Melys a moethus y min  
Ar daith hyd stryd o eithin.



Cael hoe ger tref An *Clochán*  
Cwt a mawn a'r *Quiet Man*.



Mynd i ganfod y meindwr  
A glweddâ yn *Achadh na nIubhar*.



Daw *Baile Uí Bheacháin*, i'r de,  
Nefolaidd *Cappabhaile*.



Ogofau'r oesau'n *Aill Bhuí*n  
Yn barod am y *Boirrin*!



Dewrder, breider *Poll na Brón*,  
Hynoded ei atgofion.



Yn llawn swyn ger clogwyn *Chláir*  
Mae ewin tonau *Mhothair*.




Haner awr i lawr y lôn,  
Tamaid yn *Inis Diomáin*.



Yn awr i *Cill Fhionnúrach*  
I weld cerflun o'r Dyn Da.  
Yn y ffald ar bwys y ffin  
Gerllaw, Croes y Gorllewin.



Navs gwlad 'di *Bun na Raite*,  
Munud am fywyd a fu.



Yn y gwyrdd, hyd y ffyrdd ffeil  
Yn ceisio castell *Caiseal*.



O'r teithiau, oriau hirion,  
Ymryddhau ar lanau'r *Leamhain*.



Uwch y bae, pen cae, *cathair*.



Llwydni meini An *Dun Mor*.



Naws hiraethus *Ceann Sratha*.




Ysgogiad eiliad dwylan  
I ranu o hoen *Breannain*.




O galon cwm a *Glencar*  
Yn chwenych y bwlch anwar!



Egwyl ger hengaer *Stéige*,  
Swyn niwl, rhywle is y ne'




I seintwar goruwch arial:  
I greigiau hin, *Cathair Gheal*.




Celwn goger An *Caladh*,  
Amhris dewis coffi da!




Daw anel uwch a'r *Dún Láich*,  
Gris ar ol gris o groeso!



Antur fawr *Mhuintir Bhaile*  
Dim ond Affrica i'r de!



Dygnawd ffawd byw ar y ffin,  
*Dún na Séad* a dawns Odín.



Betws ger yr abaty;  
Llawr â chlychau'r gog yn llu.




Yn nuwch a gwarth newyn  
Gweler breuder, dewrder dyn.




Alawen o'r gorffennol,  
Awyr iach yn mhentre *Eochaill*.



Crwydr diddos y *Preziosa*  
Cyda'r awel yn hel ha'!  
A oes syniad yn swyno  
Fel cyfarfod cychod *Cobh*?



Awr padera yn *lorpwn*  
Cyffes o hanes yw hwn.



Heidio lan i *Gleann Dá Loch*  
Am orig unig yno.



Cil y sant yw *Cil Wantan*,  
Dirgel awr ger y dŵr glân.

O harddwch ein Hiwerddon - am Walla  
Â mil o atgofion;  
Gefeilles ag Afallon  
Tir y dâr tu hwnt i'r don.

(Wedi rhoi cynig ar anghaniad

Cymraeg i rhai o'r llefydd y buom. Ond anodd iawn oedd, â llawer o acenion a thafodieithoedd

gwahanol. Laugh Ree = Loch Rí; Roscommon = Ros Comáin = Ros Comáin; Knock =

Cnoc = Cnw; Westport = Cathair na Mart = Dinas Ffeiriau; Clifden = An Clochán = An Clohán;

Burren = Boirrin = Bwren; cathair = cáher; Brandan = Breannain = Bre Nan; Portmagee = An Caladh

= Cala; Sheep's Head = Mhuintir Bhaile = Mwintir Fáre ("Pobol y brenin"); Baltimore = Dún na Séad

= Dvnn na Séd; Youghall = *Eochaill* = Íol; Glendalough = *Gleann Dá Loch* = Glen Da Lo; Sligo =

*Sligeach* = Sleigo; Aughnacree = *Achadh na nIubhar* = Ochnanwír; Aill Wee = *Aill Bhuí* = Ail Wí;

Moher = *Mhothair* = Mohýr; Clare = *Chláir* = Clér; Ennistimon = *Inis Diomáin* = Enistimon; Kilfenora

= *Cill Fhionnúrach* = Cliffenora; Bunratty = Bun na Raite = Bwnrati; Cashel = Caiseal = CaSel; Laune =

Leamhain = Loen)

**Blaguro**  
(20230427)



Ochor draw i godi'r awen - man gwyn,  
Man egino'r arlen;  
Cwrlid cnwd y brwd ar bren,  
Hir oes i liw'r geiriosen.

**YrHenDroseddwrHyf**  
(20230426)



Awr dehori y dewrach - dant y llew  
Dönt â lliw gwerinach;  
Y crych ymhlith y crachach  
Yw gloywder y border bach

(Pawb ar y cyfryngau'n canmol DYLL.)

**DoedADdello**  
(20230425)

Gwewyr a ddaeth i'th guro - wedi'r traw  
Dewr yw trio, eto;  
Dod i'r "pam?" a'r cam o'r co:  
O'r golled, gwawr i gallio.

**3-1**  
(20230424)



Yn berygl, poen i Boreham oedd y miloedd  
Â'u Mullin. Cans trychlam  
Taith llu i Cymru ar gam  
I'w rhacso gan wŷr Wrecsam!

(Paul Mullin yn arwain Wrecsam yn ol i'r Cyng rhair Peldroed.)

**BB**  
(20230422)



Bri noeth cleber unieithog; *áric-a-brac*  
O *Brecon* undonog!  
Egin gwlatgar gyda'r gog  
O'r chwyn, BANAU BRYCHEINIOG.

(Darllen yr adwaith i erthygl gan Rhiannon Lucy Cosslet yn y Guardian.)

**Oosterdok**  
(20230419)



Tyrd 'nawr â gwên ar drên, ar dram i'r hwy!  
Ger yr IJ ar garlam;  
Tyrd i lys brys gwŷr brasgam,  
Tyrd i weld tref Amsterdam.

(Yn Amsterdam am y tro cyntaf ers cyn COVID. Yr IJ yw enw bae Amsterdam, sef y dŵr mawr yn y

ddinas.)

**GerYDŵr**  
(20230418)



Ymryson gwirion y gored - a'n gwaedd  
O "en garde" i'w glywed;  
Rhull awch am greigiau'r llyched  
A chwant am Ioniant ar led!

("Mynd am antur" gyda K, Ch a D ddydd Sul.)

**Epilog**  
(20230415)



Anrhydedd hwyrol weddi - i ddeall  
Am ddiwedd dy stori;  
Deg muned i gyroni'r  
Hanes yw baint d'henaint di.

**Cartrefle**  
(20230414)












Testament i dalent dyn - tafodau  
Â'u geiriau'n creu gworun  
Dinas wiu'n llawn lliw a llun  
A duwdeb dyfodadun.

Cronbil nwyd y llwyd eu llun - trachwant  
A gwiadant a gworun  
Pair ysiaid anghredadun,  
Llwyfan sarug diffyg dyn.


(Mynd eto i'r Bigsmôc, a joio mwy nag arfer, mae'n debyg am fy mod i'n cymryd pethau ychydig yn fwy ara' deg! Ond mae ychydig ddiwrnodau yno'n ddigoni!)

**PenblwyddRhif2**  
(20230213)



Daw awr am ddathliad eiriau er rhanu  
Anrhegion y bychan;  
Blwyddyn mwy, dwy fydd Dyfan  
Dirioned, gwyned ei gân!


**Gorthwrm**  
(20230212)



Tro hiraeth ger Tryweryn - aer boddï'n  
Creu beddau drwy'r dyffryn;  
O! cawlach Capel Celyn:  
Dwli'r lle a diawlio'r llyn.

(Mynd heibio'r gofeb 'ddoe â themladau cymysg. Tirlun bendigedig, ond creithiau a sgil-effeithiau Tryweryn a Thrawsfynydd yn amlwg i bawb.)

**YrArenigFawr**  
(29230212)



Yn rhugl i Foel yr Eglwys a rhiniau'r  
Arenig hyfrydlwys;  
Cwpla ar ben copa mae'n cwys  
Er oedi ym mharadwys.

(Cerdded 'da R. a T. i lyn Arenig Fawr o lan Lyn Celyn, ac wedyn lan i Foel Yr Eglwys, â golygfeydd hyfryd o Drawsfynydd, Porthmadog a Phwllheli.)

**Dadfeilio**  
(20230210)

Gwae yw rhodd ein "gwareiddiad", ac afraid  
Walgofrwydd "datblygiad"

Ar heol i ddirywiad  
Â surni am gloffi'n gwlad.

(I. yn gwyllo *QuestionTime* neithiwr. Mae safon y drafodaeth gyffredinol ym Mhrydain mor isel, fel petai bod dirywiad cymdeithas i'w weld yn digwydd o flaen ein llygaid.)

**AD**  
(20230208)

$$\frac{\partial c}{\partial t} + \nabla \cdot (-D \nabla c + \mathbf{v} c) = R$$

Modfeddau, eiliadau tryledol - rhediad  
O ffrydiau llorffodol;  
Creu cyfrif o lif di-lol  
Yw medr y cyfaint meidrol.

(Datrys hafaliad llorffudiant - trylediad, sef *advection-diffusion*, AD.)

**AmrywiantAsymptotig**  
(20230207)

$$\hat{\theta}_N \rightarrow^d \mathcal{N}(\theta_0, \mathcal{I}_N(\theta_0)^{-1})$$

Ysgogiad dysg mathematig - arfer  
Â therfan ganolig  
Rhydd tebygoliaethol frig  
At ateb asymptotig!

(Y ffordd i feintio! ansicrwydd o amcangyfrifon tebygoliaeth fwyaf, sef *maximum likelihood*, pan fod y sampl yn fawr!)

**CaeadyBenAchyfrifa!**  
(20230206)

$$\frac{\partial \mathbf{b}}{\partial t}(\mathbf{r}, t) = -\frac{\hbar^2}{2m} \nabla^2 \psi(\mathbf{r}, t) + V(\mathbf{r})\psi(\mathbf{r}, t)$$

Drysi ar faths di-rheswm yn cynal  
Damcaniaeth sy'n rhigwrm?  
Endid haprwydd, lliad y llwm:  
Cei hynt dirgelwch cwantwm.

(Darllen eto am ddamcaniaeth cwantwm, a bod neb wir yn deall beth mae'n meddwl.)

**WyYiWyYi?**  
(20230204)

Un gwefr bu dechrau Chwefror - dal alaw  
*Deleila* yn agor  
At ias y gêm, a chwant sgôr:  
Ni chlywi'r rhegi rhagor!

Ar hyd nos ysbrydion isel - gwerthoedd  
Gwarthus sgandal dawl;  
Gwaeddw'n dros faeddu Gwyddel  
I leddfu cryd byd y bêl!

(Gwahardd canu *Deleila* a sgandal bwlio ayyb.)

**MasalaZone**  
(20230202)

Os mynd, da mynd am Indi-ans a hwy!  
Masala amdanî!  
Dihafal blât o *thali*  
Yn lawnder i d'wylider di!

(Wedi blino'n lân, ag awydd noson dawl, ond cytuno mynd 'da rhai o ffrindiau gwaith am gyri yn y *Masala Zone* yn *Covent Garden*, a joio! Yng Nghwm Tawe mae gwyllder hefyd yn meddwl "chiwant bwyd".)

**Avanti**  
(20230130)



Hud olwyniad sy'n atsaïn - ar wincad  
O Runcorn yn gelwain;  
Clud yw'r cwsy hyd cledrau cain:  
Handi serch mynd i Lundain!

(Mynd i Lundain ar y tren.)

**Garnadolbenmain**  
(20230129)

Nesáu 'rwyf i Nasareth - awr antur  
I hwntw mewn penbleth!  
Fel y dur, mor bur siwd beth  
Â chanllaw i Fachynlleth!

(Mynd o Fenllech i gyngerdd côr ym Machynlleth. Mynd ar ffordd ddieithr o Gaernarfon i Borthmadog a Dolgellau. Diolch byth am satnafi!)

**YDraffordd**  
(20230127)

Lledrith wrth droelli adre - chwildroad  
Hafaliad a folech  
Yn foddion, cyfarfydddech  
Theorem chwaeth yr M6.

(Dod nol o Gaerhirfryn.)

**IaithYCESair**  
(20230122)

Hin hwyrnos a iaith y siwrne'n gân llosg  
O genillysg Llangollen;  
'Mhen ryw awr, tinc daw o'r De'n  
Neges oer hen gyseren.

(Iaith y tywydd yn newid wrth fynd lawr i Gwm Tawe.)

**Llwydrhew**  
(20230121)

Noson galed fu, cyn ddued - a 'nawr  
Cân y wawr cyn oered;  
Ym mhau golau mae gweled  
Siew llain o lwydrew ar led.

(Rhewi'n galed neithiwr, a'r anwyd yn diflanu o'r diwedd; cyfle cyntaf i redeg ers pythefnos!)

**Eiral**  
(20230117)

Ysblander, pleser y plu - fel seintwar,  
Cwypmp cynar cyn cwnu;  
Gwyn ydyw byci 'di gânu,  
Urddas dros y diflas, du.

Daw duwdod a dyddodî'n y pluo  
Gan nwyfo cynefin;  
Daw'r eira wedi'r oeri'n  
Wyrth trawsfurfiad, profiad prin.

(Eira dros nos, a mwy heddi.)

**ApéAmYPolyn!**  
(20230116)



Hwn bu'r bwrn un p'nawn Sadwrn sŷn - hawliodd  
Gwialen ei nefyn;  
Hynod gam mewn tywod gwyn:  
Pa hawl oedd planu polyn?

(Danfon llun o ffrynt Aberystwyth at R. a hwnw'n achwyn bod 'na ryw bolyn fflag newydd yn ei ganoll!)

**Tŵsis**  
(2023015)

Afiaraf oddefgarwch - dyma siom  
Rhaid Sulio mewn salwch  
Tru i drechu poerog drwch  
Drwy'r nos, pos atal peswch!

(Anwyd yn fili!)

**PwyAWyr?**  
(20230114)

Dirifedi'r rhiadiol - mapio chwaeth  
CMIP6 ar fantol  
Can ddilyn rhaid 'ffeiriad ffol,  
Suddwn hyd lwybr hinsoddol.

(Yn edrych ar effaith posib newid hinsawdd ar garwedd gwyntoedd a stormydd morol y dyfodol agos. O ran codi rymheredd y byd, mae'r stori'n glir. Ond o ran priodweddau stormydd, mae'r amrywiant a welir rhwng modelau gwahanol, a'r amrywiant hap o fewn unrhyw fodel penodol, gymaint nad oes modd rhagweld dim byd bron ag unrhyw sicrwydd. CMIP6 ("si-mip-chwech") yw'r acronym ar gyfer y gehedlaeth newyddaf o fodelau atmosfferig, a morol-atmospheric a mwy weithiau sy'n cyhyrchu toreth o ddata! Defnyddir y term "llwybr" i ddynodi datblygiad y system ddaearol o dan amodau "scenario" â gorfodi hinsawdd penodol.)

**Llinach**  
(20230113)



Hynod argoel o'r dirgel - hen loffion  
O gyron y gorwel;  
Hanes hywyr Llansawel  
Cofnod parod eu hapêl!

(Dod o hyd i dystiolaeth, o ddilyn ymchwil D&E, taw fy hen hen dadcu (Thomas J 1825-1881, wedi ei gladdu ar y Graig Arw / Pantteg) symudodd i Gwm Tawe o Lansawel, Sir Gâr, a sicrwydd taw hen x3 dadcu oedd Joseph J (1786-1854), cigydd yn Llansawel ar hyd ei oes. Awgryma hyn taw Daniel J (?-1794), y mae ei fedd hefyd o hyd i'w gweld yn Llansawel, oedd fy hen x4 dadcu, efallai!)

**Diwlycs**  
(20230108)



Melyn eiff i'r dim yno - a diben  
Mor llawen yw lliwio'r  
Oriau tēr o'r llawr i'r to;  
Dros y bont, dyrys beinto!

(Peintio ystafell ym Menllech, a malu cwpwrdd â drysau mawr gwyrdr ych a fili! A dal anwyd wrth D.!)

**YDdoethion**  
(20230107)

Aur y nef mewn seren noeth, nos â moes  
Thus a myr gwŷr hygoeth;  
Coflwn neges eu cyfoeth  
Wrth dderbyn y tri dyn doeth.

(Y gwŷr doeth yn ymweld ar y 6ed, yn ôl traddodiad.)

**Wedi'rŴyl**  
(20230106)

Cilia awch can y clychau - dyddiau prid  
Oedi dyheadau;  
Ol gŵen a hwy! yn gwanhau  
O lwydo'r goleuadau.

(Atgofion y Nadoig yn diflanu'n ara' deg.)

**Dim?**  
(20230101)



Dameg, sen, daw megis sim-iwleiddiad  
A lwyddodd i godi  
Mater, ond trallod nodi  
Mai'r twll yn llun dyn yw "dim".

(Darllen erthygl ar sut mae ffisegydd yn dehongli "dim". Mae'r rhan fwyaf o ddehongliadau yn dibynu ar "fodolaeth" trefn fathemategol damcaniaeth cwantwm neu debyg. Ond y dim "pur" yw "dim Plato", lle nad oes hyd yn oed trefn fathemategol yn bodoli. Mae'r dim hwn tuhwnt i amgyffred y gwyddonydd. Sut daeth y drefn fathemategol "i fod" yn y lle cyntaf? A sut yn y byd y mae'n bosib bod dyn yn gallu dehongli'r byd o gwbl? )